

香蘇山館詩集

香蘇山館今體詩鈔卷五

東鄉 吳嵩梁 蘭雪

四十初度

四十龍鍾早秋霜入鬢新半生回首易終夜拊心頻白  
水難將母青山未乞身浮生無寸補積悔是因循

題倪文正公小桃源詩真蹟後

鷹遊門外水雲寬海運才通劫已殘誰說花源無路入  
求仙容易救時難

清時有味是閒身只看桃花不避秦却笑漁郎緣分淺  
仙雲紅誤再來人

詠竹掃帚

簾龍迸雨記前身束縛奇才亦苦辛不許參天甘掃地  
落花堆裏有仙人

極樂寺看並頭牡丹因憶同芳榭有並蒂蘭書家  
信後

福慧前生願豈奢雙修讓汝占清華寒閨亦有同心種  
不是人間富貴花

十刹海觀釣魚者

有客方垂釣湖風入袂寒得魚同一喜何必我持竿  
梧門學士夢中得句云春催萬樹綠如水天逼一

峯青入樓又云穿樹野猿偷果急守門孤鶴晒  
翎閒屬夢禪寫其意危峯古木深杳無人一鶴  
徘徊籬外若有所諦聽者爲題一詩

萬綠如春水山深夢熟時猿聲惟隔樹鶴意似聽詩橋  
路雲荒久鐘樓雨入遲妙明心印處只有畫禪知

與梧門論賈長江詩卽用其體奉贈

一心成古佛詩境自空澄閉閣雲同卧敲門鶴未鳴  
松根化石崖瀑凍懸冰除盡人間想惟應瘦鳥能

詩龕爲梧門學士作

地與西涯近心清衆妙兼嶺陰昏竹屋谿影蕩風簾病

葉寒先墮秋蔬瘦不嫌一花持見佛詩境入香嚴  
積水潭邊寺枯松樹後街臨花移釣艇踏雪換吟鞋世  
味平生澹天機靜者佳雲沙尋舊約願與白鷗偕

奉和思元主人園中八詠

石磴經幾曲妙處如游山曠覽入孤懷人天同一閒螺旋臺

百錢買松羔其氣已千尋雪晴坐寒綠杳若廬山深眺松亭

一桁丁字簾四圍丁香樹白雲入迴廊不辨花開處字廊

種麥兼種菜一花黃可憐春風蝴蝶滿酷似柘溪田笑齋

奇石瘦于筍孤立俯塵堦標格如此君吾下米顛拜石  
橋下引流泉橋上夾荒葦江湖雨意多搖入秋花裏葦  
新花有顏色舊樹有性情霜雪豈不寒兀傲如平生舊  
養花如養賢井渫豈不食一葉警秋心愛此寒泉碧井

送柳門歸香雪山莊

千樹寒香自掩關白雲深處近黃山故人約我經年負  
新雨送君明日還沽酒倘逢天一雪就花容借屋三間  
騎驢諳盡風沙味守著家園夢亦閒稚存約遊黃山不果

淨業湖晚望

野人風味愛蕭閒  
貪看湖光晚未還  
二十五年依舊綠  
科頭只合對西山

湖上諸峯漸杳冥  
斜陽盡處只空青  
峯將冷眼憑高看  
身世傷心亦斷萍

題畫

橋路縈迴帶淺沙  
炊烟樹杪有人家  
茅檐一夜清明雨  
半擁山泉半落花

卽事示李春湖學士陳石士編修

窮途豈有淚霑巾  
天許清狂亦幸民  
一榻暫寬容膝地

五更危作墜厓人平生坎壈皆常事頃刻存亡判此身  
慈母白頭孫未抱今朝痛定始傷神

病起答時帆學士

枯松已作竈前樹病鶴猶爲天上聲眼底風光春爛漫  
胸中雲水夜空明鑄成五字皆神力傳到千秋只性情  
萬一昨朝真不起遺書差幸託先生

宿詩龕再呈時帆

暫別詩龕如隔歲紙窗塵榻太蕭條丁香避我白成雪  
荷葉隨人青過橋經世無才甘病廢讀書有味愛涼宵  
鐘聲喚起金焦夢山寺月明觀夜潮



晚霽

驟雨才收更斷虹  
一林新碧太玲瓏  
直將高樹斜陽影  
移入閒雲野水中  
鮭菜亭尋湖路近  
鷗波人憶草堂空  
昨宵鄉夢分明記  
只欠臨谿一釣篷

雨後觀庭陰積水空澈可鑑

一雨延幽卧  
虛堂眾綠深  
松杉涼入畫  
雲水晝成陰  
蕭寂閒中味  
空明世外心  
未須移釣艇  
此意卽山林

穢藤舫詩簡周駕堂侍御

紫藤花事盡  
一屋閉濃陰  
涼月無邊夢  
扁舟不繫心  
酒教中婦釀  
詩就冷官尋  
手種多新樹  
年來已出林

太乙舟夜坐同石士

露席銷殘酒風簾黯夕陰性靈閒更出書味病來深樹  
結嶺雲色茶煎谿雨音坐聞鄰笛歇涼月轉蕭森

書何蘭士太守道中述懷詩後

一紙相思字風沙浣筆餘舊懷多酒客新句半家書鄉  
樹畱陰久君前爲九江守邊雲望澤初調民多要術莫但講河

渠諸君贈行  
多言水利

五月十三日得蕙風閣書

一紙平安破涕初望歸先許覓清娛名花北地移難到  
匹鳥南塘夢亦俱洗硯薰香須蘊藉量鹽借米費支梧

釣船終擬攜家去添寫樵青入畫圖

題東坡課耕小像

赤壁扁舟泛月初玉堂春夢亦蕭疎水田二頃容歸種  
願跨烏犍讀道書

家玉松編修張船山檢討過余小飲船山爲余及  
石士畫叢蘭野菊甚有逸致輒題一詩兼寄梧  
門

迎門一笑落烏紗喚酒俄看醉筆斜風日人間宜午樹  
性情吾輩近秋花天真爛漫書三昧野色蕭疎畫一家  
合就枯禪參妙理水雲空處是西涯

再用前韵題老船畫兼柬玉松蓉裳

何處香來透碧紗  
風枝露葉自欹斜  
胸中清妙無成竹  
腕裏頽唐有醉花  
病得蕭閒偏近道  
詩除依傍敢名家  
追涼更選江亭勝  
蘆葦青青水一涯

三用前韵柬薌泉員外駕堂侍御

薄涼時節換輕紗  
庭樹陰深日易斜  
新竹與人同一醉  
枯毫得意忽千花  
看雲愛讀名山記  
踏月難忘近水家  
塵味年來銷滌盡  
幽尋有夢極巔涯

四用前韵送樂元淑出都

世味才名薄似紗  
夕陽驢背又西斜  
閨年同種黃楊樹

貧女惟簪白柰花  
島佛瘦來因覓句  
焦仙住處亦浮家  
一竿烟雨南湖近  
歸去謀生合有涯

五用前韻寄王鐵夫

鐵夫老筆今逾健  
讀就槐陰卧榻斜  
騎鶴不隨緱嶺客  
典衣頻醉杜陵花  
鄭虔名枉成三絕  
班固書誰輯九家  
一例冷官吾更僻  
藥烟燈影送生涯

六用前韻寄曾賓谷運使

使君曾有西溪約  
釣艇年來我自斜  
四海故人如病葉  
一生詩夢只蘆花  
礪遲紅鯉春前信  
山愛青芝畫裏家  
同作閒鷗輪穩卧

謂題襟館諸子輩

吾生漂泊又天涯

七用前韵寄江韻雲

君屬余爲醉雲樓詩許購名花潤筆

聞道西施尙浣紗  
越溪春盡網絲斜  
愁生神女雲爲夢  
狂許詩人命乞花  
待闕鴛鴦先結社  
尋香蝴蝶願移家  
紅箋預寫相思字  
風笛聲聲喚水涯

題王漁洋徐東癡書邊仲子手錄詩稿雜記後

七十南州叟  
天寒自負薪  
雨邊曾得句  
林下不逢人  
白髮編詩苦  
秋毫入淚新  
同時惟二老  
極與念清貧

擬睡足軒詩

覃溪師謂余曾見邊仲子野風吹落帽林雨忽沾衣詩原稿林字作疎今

所傳爲漁洋改本因改其體

一睡平生足  
山中味有餘  
嶺雲閒住久  
林雨驟來疎  
簾

影新涼後茶香薄  
暝初無人教喚醒  
明月到堦除

楊柳灣晚歸

幽步林陰晚詩成薄  
醉餘高花兼雨墜  
遠柳帶烟疎網  
涇漁歸處鐘昏僧定  
初夜涼心似水塵夢久銷除

讀許秋厓廉使昭君詩有作

萬里明駝送此身  
琵琶絕調最傷神  
願將紅粉成邊土  
終遣烏孫作外臣  
畫手難圖傾國貌  
蛾眉甘避入宮人  
酬恩更有平生淚  
絕塞花開豈異春

得陶季壽詩卽寄

長安難覓避炎地  
一讀君詩冰雪涼  
峭骨平生倚衡岳

秋心只合夢瀟湘美人芳草自同氣明月扁舟俱異鄉  
更約幽尋潭上寺荷陰積水晚逾香

題吳荷屋

榮光

侍御所藏吳匏庵沈石田溪山風雨

圖詩卷像次覃谿師韵

有竹莊中客詩酬海月庵前遊風雨記妙墨水雲參荷  
屋生涼夢蘇齋補筆談幽期懷二老雪北與香南  
舊藁摹初就徵題約小延藤花廳待佇檜樹卷誰傳山  
翠開門入谿聲枕石眠遲君虹月舫移宅就新出

送韓樹屏

鼎晉

侍御乞假歸四川

夢裏蛾眉翠掃天思親萬里買歸船遠難迎養官爲累



貧解承歡婦亦賢

聖世拾遺無諫草故鄉供祀有谿田知君進退俱無負  
再出山來豈暮年

和春湖家園卽事詩

園樂有真樂客久味才知中歲關心事鄉園入畫時

朱素

人爲作桃花多手種兒女況肩隨攜向春陰裏還教詠  
娛雅圖小詩

項道存

紳

同年愛余鶴意似聽詩之句畫圖見貽

賦謝

鶴意似君閒幽尋欲款關雲邊猶瀑水卧處只秋山古

樹吟聲出斜陽緩步還何當入圖畫傳寫徧人間

再題鶴聽詩圖

覓句松深處柴扉午亦扃自憐吟太僻惟有鶴來聽夜  
月尋儔侶閒雲養性靈孤飛容易倦昨夢舊山青

題王卜厓侍御棗香書屋投經圖記後

棗花一樹雨垂垂四十年前投讀時今日白頭傳畫記  
諫官曾是少孤兒

吳山尊庶子屬爲其友題息隱圖

宛轉溪園路幽尋第幾灣高花十圍樹微雨六朝山棋  
局旁觀冷書聲小卧閒吾心能自息隨分有柴關

楊介坪編修屬題潁西別業

竹裏尋君去，籬門記薜斑。  
花漂諸澗水，樹隱一房山。  
栗墮猿心喜，松涼鶴步閒。  
似聞孤櫂響，有客載書還。  
窻戶梨花下，亭陰桂樹偏。  
摘茶春社雨，燒筍曉厨烟。  
碑缺收完本，琴新合舊絃。  
平生幽賞足，選夢亦聽泉。

題閔貞桐陰仕女圖

涼翠蕭蕭影畫櫳，  
昨宵雨意在疎桐。  
厯潮初上低徊處，  
眉語微傳黯澹中。  
團扇自持猶滿月，  
羅衫生怯漸秋風。  
浣紗女伴知多少，  
愁煞蓮衣脫晚紅。

九月二十六日

乾清宮引

見授國子監博士恭紀

九重樓閣畫中看佳氣瞳眬散薄寒雨意恰隨天共曠  
雲程初入海同寬畧將心事酬慈母才許頭銜署冷官  
持寄家書先破涕柴門計日話

金鑾

十月十一日赴博士廳示肄業諸生

廿年前踏古槐陰同是青青一子矜四十敢嫌通籍晚  
孤寒從此受

恩深人才培養關經術大雅賡歌始泮林願與諸君期

待厚讀書有用卽官箴

釋菜禮成有述

禮樂百年承

教澤宮牆萬仞仰嶙峋  
東京席與傳經末西廡榮邀執  
事新官守四門多往哲  
門生六館幾衰親樞衣忽重天  
涯感一瓣香慚負米人

早朝恭紀

鈞天細樂隔花聞綵仗層霄曙色分  
紫禁城高融霽雪黃扉路近入仙雲  
蕭閒久與鷗同性文采眞慚鳳作羣  
畱取斑斕明歲舞衣香曾得

御爐熏

寄蕙風閣書

節過雙蓮信亦稀金錢應卜遠人歸誰知槐樹前廳客  
只夢梅花近水扉繡榻今番添弱線熏籠何日護朝衣  
移家難賃春明屋惆悵青山始願違

蓮花博士詩用陸放翁集中韻

劔南集原詩序曰九月十四日夜雞初鳴夢一故人相語曰我爲蓮花博士蓋鑑湖新置官也我且去矣君能暫爲之乎月得酒千壺亦不惡也既覺惘然作絕句紀之白首歸修汗簡書每因囊粟歎侏儒不知月給千壺酒得似蓮花博士無余補國子博士用以自號次韻一篇

但看溪山不著書非仙非佛亦非儒鏡湖終向

君王乞天上蓮花一樣無

答英煦齋侍郎用東坡雪夜柏仙庵韻見柬

落筆繽紛舞落霙新編吟過齒牙清寒香妙得梅花氣  
仙唳遙聞嶺鶴聲家釀輸君藏最久硯田笑我老猶耕  
明朝翠墨傳詩帖快雪人間又午晴

送劉松嵐觀察出都

樓上仙人跨黃鶴早吹玉笛待先生

君由湖北改調河東

九霄忽

捧

恩綸出三晉親持使節行關外去思知政美殿前  
溫語愛官清要畱唐魏淳風在新法能兼古性情

風雅平生重別裁山河元氣更深培  
龍門水束中流急石室花凌絕頂開  
老吏森嚴持健筆故人潦倒愧仙才  
棠陰尙有蓮洋宅定許論詩得髓來

擬遊極樂寺不果用東坡微雪溪南小酌韻

閒榻老身容病卧天寒惟借苦吟消  
頻題東武亭邊石不踏南谿雪裏橋  
閱世酸辛成道味閉門車馬斷塵囂  
梅邊却記山中醉撼落水花一萬條  
萬樹梅花白照天醉中狂撼石溪邊  
頭銜却被山妻換不是梅顛是雪顛余山中舊作也

樹琴侍郎有詩見寄用東坡金明池韻奉酬

十里衝寒酒未消樹邊殘雪曉猶飄  
扶輿先有門生在



看菊難逢野衲招一權溪深聞訪舊六花衣溼待歸朝  
冷官無計書驢券苦說西山路太遙

寒夜用東坡雪中觀燈韻柬樹琴侍郎梧門學士  
狂歌痛飲記吾曾蕭散今爲退院僧苦茗味中兼雪水  
寒花影裏只書燈濛濛谿路雲全凍皎皎林梢月漸升  
輸與東坡老居士迴文仙句夢猶能

先月樓詩次成親王韻應教

樓居飄渺卽飛仙明月幽人許共延雪意乍晴林樹杪  
雲陰微凍石橋邊谿深照影鷗心淨窻近聽棋鶴頂偏  
瀑水夜來聲未斷夢尋山寺入開先

拈花成佛酒成仙  
辟穀何須煮玉延  
三徑黃深霜葉底  
一峯綠到畫樓邊  
幽期琴客來應早  
秋氣詩人得最偏  
苦憶月波臺下客  
名山有約負焦先

洪稚存約避暑焦山不果讀其題句

頗爲惘然

對影公然喚謫仙  
蛾眉一笑定相延  
我來雲水空明後  
詩在溪山冷淡邊  
橋路恰隨亭左折  
梅花須種屋西偏  
梁園賓客知多少  
輸與鄒枚下筆先

頭銜自許署頑仙  
良夜常教逸興延  
月櫂五更香海畔  
霜樓一笛翠微邊  
凌雲氣在何人賞  
近水情知此地偏  
酒半插花能起舞  
座中惟讓老坡先

謂時帆

丙寅元旦

金殿迎春受早朝  
綵旗風細轉瓊簫  
雲隨白雉來重譯  
日擁黃人麗九霄  
河國沙虛流順軌  
海天雪霽化歸潮  
小臣官冷原無事  
昨夢尋梅過野橋

來琛館示琉球肄業諸生

日月重洋一照臨  
東南

教澤海同深  
道尊中國知來學  
詩誦淮夷解獻琛  
經術我慚虛馬帳  
才名誰說重雞林  
圓橋聽講多英彥  
石鼓遺文許共尋

夜直

卅年書味一燈寒才入名場興已闌夢裏鶯花疑廢宅  
夜來風雨似危灘羸駒分合塵沙老病鶴心憐雲海寬  
僥倖清時容宦隱腐儒原未解當官

題葉筠潭編修詩卷

吳峯積翠浙江潮落筆千山與動搖却愛東莊秋夢冷  
青楓樹下水平橋

萬古靈威險鑿開雲根裂處迸風雷怪君詩有清雄氣  
曾到黃龍洞口來

瀑布千尋化白虹蓮花結頂與天通烟雲變滅無窮妙  
只在清虛世界中

萬頃蘆花一釣船  
露光如雨樹成烟  
吟君鶯脰湖邊句  
棖觸清游二十年

綠春詞有序

筠姬姓岳氏字曰綠春山西文水人隨母僑寓京師姿性慧麗能左手書授以詩輒倚聲誦之妙合音節余初詣姬居值曉粧貽碧桃一枝姬受而簪於髻俄有奪以重聘者姬患甚謂其母曰兒已簪吳氏花矣遂於嘉慶十一年四月八日歸余年甫十五余得蕙風閣書因持示姬姬曰妾年小不能持家累君有內顧憂願宜人早來妾亦有所恃也余嘉其意遂寵以詩

晉祠流水綠於春  
會照吹花掠絮人  
三五年華如滿月  
團樂影裏話前因

會聞重聘却豪家  
此意量珠報未奢  
露朵親簪雲髻重

定盟先受碧桃花

琉璃街畔駐鈿車銀燭花開照雨初粧閣三間吟榻在  
半安奩鏡半藏書

曉檻粧成合助妍故人昨貺夜飛蟬蛾眉淡掃原風韻  
畧畫春山更可憐

才離阿母性嬌柔教誦新詩浣別愁自倚聰明貪強記  
花陰亭午不梳頭

繡絲未與補宮袍料理文奩亦小勞却愛天生雙腕俊  
右持金剪左湘毫

簾櫳如水樹陰移滿靨紅潮就枕時生怕鬢邊花易損

明粧小卧亦矜持

夜涼閒坐掩雙扉螢火穿叢倦蝶稀一院玲瓏花葉影  
月明繡上白羅衣

玉笛參差檀板輕扶風帳有女門生背人學按花前譜  
半是歌聲半讀聲

冷官風味不曾嫌生計零星較米鹽一事未循居士約  
畫叉錢爲買花添

清眉終日笑常開爲拆家書響影迴自說小年心計少  
持家早望女君來

花院秋期奉板輿望孫先勸覓清娛吾家蘇蕙憐應重

添寫蕉陰茗話圖

風雪三更 紫禁遙應官聽鼓太無憀女兒香細籠烟  
暖纔得熏衣侍早朝

寂寞雲扉曉尙扃隔窗誰動小金鈴白頭京兆偏風致

迴避花間夢未醒

謂秦小峴先生

朱郎傳箋到薜蘿畫圖爭擬小鷗波侯門歌舞承新寵  
翻羨寒閨韻事多

早涼

小檻玲瓏護碧紗庭寬難得葦棚遮正愁避暑無方法  
天與微陰替養花



落紅一徑掩苔痕  
高樹濃陰似水村  
昨夜雨涼貪美睡  
賣花人到未開門

聽香館同綠姬夜話

小園交翠樾  
閒坐愛新涼  
人與月同色  
風來花異香  
蝶衣霑溼檻  
螢火照虛廊  
記是雙蓮節  
殷勤話水鄉

史半袁畫蝶

綵翅如輪出洞初  
仙山大繭近何如  
春風爲畫嬋娟影  
猶是花叢小鳳車

落花霏雪點青莎  
細雨斜陽奈爾何  
莫道六朝金粉盡  
羅浮仙蹟已無多

玉鉤斜畔舊游諳，隻影低徊倦不堪。同在天涯春夢裏，  
銷魂莫更畫江南。

晞陽樓雅集應鄭親王教

仙居占鳳城，林壑與心清。才捲風簾坐，先聞瀑水聲。  
嵐隨樹變雪，浪入池平直。是游三峽看，山夢忽成。  
一覽收羣妙，樓高勢獨尊。圍牆疑縣郭，野店俯江村。  
黃葉林穿徑，丹厓石露根。洞天迷更出，衫袖有烟痕。  
濃陰藏別館，萬竹種成圍。雨綠苔添繡，風香笋脫衣。  
暗蛩多人檻，馴鶴解看扉。一爲尋秋到，沈吟又落暉。  
墻北推雛鳳，西園集俊髦。曉痕蘆筆潤，秋響石琴高。  
小

泊思移艇新詩欲湧濤煎茶吾有癖重與鬪清豪

題綠春畫蘭雜詩

學寫清蘭只自娛芳名未敢匹曼殊冷官風味偏相似  
筆下纖穠一點無

一叢嫩綠早含春小影嬋娟自寫真不向燕支借顏色  
畫花原是素心人

種成九畹亦尋常蕭艾人間各自香才授離騷經一簞  
畫花只愛畫瀟湘

露眼盈盈欲笑秋閨中生未解離愁新開一種殊風韻  
花是同心蕊並頭

香蘇山館今體詩鈔卷六

東鄉 吳嵩梁 蘭雪

次韻覃谿師喜蘭雪卜居近巷之作

細帙叢殘共一厨移居篇合和髯蘇莓苔雨過生門巷  
車馬泥深隔路衢滿院新花蜂醉早半年清俸鶴糧俱  
浮家便乞題詩舫身是谿西舊釣徒

鑪烟浥浥潤紗厨小病新晴亦漸蘇紅藥移栽香入檻  
綠槐遙認樹交衢春藏畫閣嬋娟小箋遞鄰家唱和俱  
莫道冷官風味淺球陽載酒有生徒

送石敦夫明府之官浙江卽題楊柳外曉風殘月

圖後

天涯唱遍雨淋鈴楊柳銷魂漸不青此去湖山收畫舫  
更誰風月管旗亭宦游如海雲初出詞客中年酒易醒  
若見何郎弔奚九冬花須護舊柴局

鐵生舊爲夢華亦畫此卷

題楊米人

英昶

太守海南游草

弓衣傳唱抵籠紗字字永霜逼齒牙嶺海歸來猶入夢  
韓蘇去後獨名家人魚拜浪千帆雨仙蝶遊山四季花  
何事行吟一惆悵荔支紅處已天涯

送薛畫水司馬之官無爲州

廿年辛苦換才名窮宦天教養性情薊北風沙分袂早

江南水味到官清  
署中有梅花一百二十雪邊梅樹花成海  
樹南樓可望九華山雲裏仙山翠入城  
聞說米顛多妙蹟  
下車先聽打碑聲

送方式亭簡發出都

妻子圖書共一車  
到官風致似移家  
知君宦味清無匹  
只飲寒泉飯落花

答秦小峴少司寇題秋林讀書圖後

疎林老屋畫三椽  
寄阮風流賸一編  
蠶尾雲疑洞庭樹  
鵲山詩記太和年  
石帆先後尋秋夢  
書庫低徊溯墨緣  
儂借一花持獻佛  
木樨香裏又參禪

司寇祖官諭公有寄阮集

謝小峴侍郎惠松花圓子

十畝松陰水檻遮落英屑粉寄天涯團團難得鄉園味  
冰雪還分冷宦家晚節願公多種樹臞仙從古愛餐花  
衰親服食應長健不羨安期棗似瓜

謝禮親王饋節

樨紫櫻紅杏子黃上闌珍味許分嘗  
小人有母同霑賜節物今年一倍香

蔗山園消夏次韻酬秦小峴司寇

門掩槐陰清晝長嫌他蜂蝶爲花忙  
詩人一醉能消暑却借鷗波舊草堂

追涼昨到鷺絲家  
風雨離披萬葉斜  
我是鏡湖仙博士  
頭銜只配管蓮花

鄉思如雲澹不收  
漁家蓑笠酒家樓  
碧溪何日同吟社  
六月江南夢亦秋

題蓮舫圖

身世真成不繫舟  
東湖一醉幾中秋  
詩篇零落君能計  
花月才知是俊游

雨夜柬小岨侍郎

夜涼聞急雨飄颻  
下槐廳懸瀑當檐  
直頽雲壓樹青鯨  
波方浩蕩鷗夢自  
沈冥安得攜長笛  
扁舟放洞庭



病中雜詩

一病兼旬久添衣怯晚涼浮生身未腐小劫夢俱荒舌  
苦憎茶味心空愛藥香似聞連夜雨檐漏已侵床  
燈前諸念盡簾閣自清虛久廢謀生策先移乞假書同  
官疑嬾癖怪事責詩逋誰信逃禪客楞嚴看亦踈  
鴻雁傳消息偏灾事豈訛水田餘赤地官路踏黃河轉  
漕籌難借蠲租惠已多東南民氣盡調燮望天和  
廿年憂患力病骨挫鋒稜慈母頭俱雪孤兒淚欲冰地  
寒居不易祿薄養何曾心苦猶偷活承歡萬一能

綠姬侍疾甚勤爲賦一詩

替儂延壽替消灾日日心經誦百回黃葉旋燒煎藥竈  
紅窗深築避風臺畧知病緒愁先重剛進晨餐笑已開  
爲戒苦吟藏筆硯不教容易費仙才

鮭菜亭晚坐

亭前湖水似清湘亭後松陰近草堂擲岸老魚聲忽重  
占沙幽鷺影俱涼浮生難得蕭閒味暝坐微聞風露香  
欲掉扁舟沂明月荷花盡處只空蒼

夜遊東園應豫親王教

紅燭導清游林陰轉畫樓嶺雲初暗夜潭水自明秋石  
氣巖扉濕苔香洞壑幽倚闌天更近河漢樹梢流

雨中過淨業湖東梧門學士

俊游難得幾回同  
管領湖山讓釣翁  
昨日看花今雪藕  
秋心先在雨聲中

楊柳灣

閣閣涼蛙吠水田  
湖光向晚漸成烟  
一篙閒倚垂楊樹  
知是誰家賣藕船

立秋前一日龍泉寺小集同法梧門學士邢侗山  
太守陶季壽大令

詩人得禪味閒暇輒相尋  
野色天同曠蟬聲樹與深  
看雲無我相種竹有秋心  
飯罷齋堂夕寥寥鐘磬音

法源寺觀覃谿師新刻詩碑

二十三年此寺遊海棠花下不知秋夕陽黯淡初黃葉  
吟興蕭疎漸白頭師友無多憐健在溪山有味合歸休  
題名願附青珉尾句法他時或見求

夢中得幽花十字枕上續成

屋檐聞暗滴慘慘似谿音寒壓暝雲重病隨秋雨深幽  
花貧女淚枯樹老夫心獨有還山夢低徊戀曉衾

得陳鍾溪侍郎詩次韻奉寄

新詩清徹骨醫俗是仙方寄到墨痕濕吟餘茶味長鑄  
金偕李洞得髓一蓮洋鶴唳遙相答秋心冷未妨

中秋

歸耕無二頃羈官已三年身廢勞生後心灰未死前衰  
親頻慰藉病婦更沈綿慚愧中秋月天涯苦亦圓

哭李晴雪舍人

送別憐君病不支移書翻勸改歸期豈知暗雨招魂夜  
猶是衰親入夢時紅袖榻前教進藥青燈花下記看基  
平生遺墨無多在淚滿秋江萬竹枝

題鮑覺生侍講病中詩後時自豫州督學還都

三花二室倚天開中岳親持簞節回獨以文章爭氣數  
須知疾疾亦栽培詩篇自挾凌霜氣經術先儲用世才

聞說渡河猶緩轡孤寒流涕望重來

覺生招飲用集中酬郭頻伽及答朱學博韻各一

首奉呈

尊酒談深漸入微歡場年少俊游非連天夜雪寒逾重  
出岫孤雲倦不飛白髮何堪羈冷宦青山終許謝塵鞿  
長門賦價千金少典盡相如舊日衣

人海浮沉自立難青氈須耐十分寒却慚菽水無兼味  
才爲松花勸一餐

小峴侍郎以松花粉團見貽

蓬島月明孤鶴唳薊

門風急老鷹盤掩扉只有殘書在重撥青燈與細看

送姚秋農殿撰典試山左

絳節凌秋出鳳城 禁中才子久知名  
文章更比官階貴

天子敎隨御輦行 聖裔待求唐博士  
賢書特薦魯諸生  
一松七柏前遊地 合與蘇齋續舊盟

饒綺峯駕部以佳茗乞綠姬畫蘭次韻奉答

小團月換折枝花 愛看亭陰點筆斜  
却憶故園蘭信早 才臨穀雨便抽芽

題綠姬爲內子畫蘭

朶朶幽花壓露枝 墨波影裏見蛾眉  
吳興夫婦能偕隱 弄筆旁添小仲姬

雨窗觀絲姬作畫

才寫叢蘭又竹枝  
破窗風雨已多時  
暗蛩鳴咽燈花笑  
明日厨娘報斷炊

菊隱中書詩爲趙象庵作

老圃經營漸有涯  
頭銜小換亦風華  
無多俸祿堪娛酒  
第一功名是養花  
寄信深山求異種  
關心宿土護新芽  
年年笑口開重九  
自比柴桑處士家

抱甕平生願易求  
東籬晚熟勝西疇  
經年花下獨無事  
此老胸中常有秋  
三徑冷香宜覓醉  
一家仙夢不知愁  
鏡湖我替山陰客  
管領蓮花一俊游



題汪浣雲

梅鼎

侍御填詞圖

六朝烟月舊游諳  
雲竹冰絲酒半酣  
紅粉幾人迴杜牧  
白頭此地遇何堪  
閒愁似水春仍長  
新句如花老更貪  
莫遣玲瓏重按拍  
吟魂銷盡是江南

蕉山園小集同梧門學士畱宿梅花下夢游西溪

兼柬小峴侍郎

芳信誰家羯鼓催  
幽尋特爲故人來  
小園依舊松篁綠  
多少唐花讓早開

黃葉聲中掃白雲  
苦寒天氣借微醺  
誰知斗室春如海  
醞釀奇香已十分

老樹中間並楊眠濛濛詩夢欲成烟酒醒且有梅花味  
却在西溪喚釣船

歸與旁妻說舊游侍郎垂老更風流鄉山畫出銷雲色  
雪後紅粧正倚樓

書亡友耶洪溪助教梁溪夜泊詩後

楓葉蘆花歛夕暉一燈搖夢四山圍如何羈旅年方少  
偏有飄零淚滿衣烟裏櫓聲孤雁叫草邊漁火亂螢飛  
扁舟細雨梁溪夜只恐吟魂溼未歸

送齊北瀛編修冊封琉球

戊辰

詔遣中山使仙才出禁垣乘槎指南斗賜印服東藩虹

采雙龍節潮聲五虎門臣家臨海國寸草亦承

恩

海邊花萬樹酌酒獻重闈親見封舟發真逾晝錦歸怪

風收水母靈火拜天妃預報平安信啣巢白鳥飛

君以便道

歸省

天際扶桑路遙山翠一簪梅花渡洋濶姑米入雲深沙  
雨玻璃漏帆風乙卯針似聞鯨背上跂脚正高吟

七宴停雲館羣仙侍綵毫泉峭臨夜迥城嶽與秋高妙

舞翻花索嚴裝贈袞刀孝經藏本在持以靖風濤

國初使臣

徐葆

光書

異域同文久輸琛此獨誠神魚知擁擢貢馬早歸耕司  
典吾何補陪臣學未成望君宣

聖澤歌舞徧唐營

陪臣梁文翼揚德昌毛邦俊向邦正以入監肄業出余門下

### 寒燈

卅載寒燈共性情故園搖夢不分明壁間曾許分鄰火  
牆角何堪棄短檠五夜低徊花自語一窗黯澹雪無聲  
玉堂紅燭儂非分輸與風流宋子京

### 黃穀原畫冊爲子野駕部題

衆綠交春晚江南舊隱居數峯雲入畫一夜雨成渠高  
樹花開後新篁粉退初閉門容飲水只愛讀仙書

老樹幽篁翠不分  
蕭蕭霜葉弄斜曛  
一蒲團地空亭坐  
瀑水聲寒瀉白雲

數峯渾厚一峯尖  
山翠濛濛樹影兼  
記得香蘇秋雨夜  
凍雲潑墨上虛檐

夢中游西湖作

一笑全家上釣舟  
青山夾岸雨添流  
水天空處荷花少  
照見當年舊酒樓

題瑟兮女史畫

碧桃花事漸闌珊  
苦笋衣多未脫斑  
寫到故園寒食節  
菜花香裏夢春山

老樹交花竹怒生一畦微雨媚新晴石谿舊句誰重繡  
願乞金閨與畫成

趙子固畫蘭

十分蕭散此丰神矮紙餘香墨未湮不瀉北風塵一點  
幽花標格似遺民

宮禁移栽罷異常蓬萊紫又御袍黃美人獨入離騷傳  
能抱秋心死亦香

病中呈覃谿師

蹇驢蹭蹬疲官路貧養艱難托俸金中歲勞生身漸老  
連宵積雨病俱深名山肯廢千秋業苦海猶持一寸心

只恐朱絃同調少枯桐入爨亦哀音

覃谿師有詩見和再用前韻奉酬

書味漸長身事晚青春方悔擲黃金五千卷讀公嫌少  
四十年前淚迸深前日狂花今掃地未霜秋草已傷心  
閉門何計求真我秋滿空山瀑水音

玉竦橋觀荷同梧門學士蘭楣郎中

初地高寒近十洲冷官天許縱清游衣飄細雨剛臨檻  
樹帶仙雲半入樓風裏萬蟬吟正午花陰一鷺影先秋  
科頭我愛迎涼坐苦憶南谿舊釣舟

病鶴

野鶴風標太不羣誰教憔悴向塵氛  
病來秋骨吾同瘦  
行過花陰日又曛海國舊游三島熟  
霜天哀唳五更聞  
樊籠仰視皆空濶只養仙心似白雪

題蘭楣郎中得渡圖

維摩入定身雲靜天女試粧眉月華  
慧業三生金粟影  
中流一朶妙蓮花靈山回向知何地  
塵海飄沈未有涯  
記取松枝堪作麈香南雪北待移家

豫郎以折枝桂花爲綠姬助粧賦詩應教

金粟凌寒吐天香下界聞曉從仙樹折  
秋許小山分幽  
碧露衣露嬌黃入髮雲  
婉無修月手何以蒼清芬



曉出西城車中假寐

六街車馬舊游諳  
一雨初涼睡未酣  
鄉夢忽隨鵝鴨亂  
荒陂野水似江南

雨中以新竹貽蘭楣

新篁迎雨到秋信  
報君知宿土根仍壅  
高雲影乍移花  
嶙充勝小笋似抱孫  
遲預定還山約收竿作釣師

題澗補臣先生四世司成紀 恩詩卷

家學昌明誦 國恩東廂題記舊碑存  
五朝將相忠兼  
孝一代師儒祖及孫  
述德祇今崇祀典  
傳經從古重專  
門三王榮遇猶難匹  
王儉三世爲祭酒  
故事青箱合共論

天子臨雍翠輦迴璧池春霽講堂開侍臣曾許簪毫入  
中使頻宣 賜錦來十鼓摩挲畱法器九經陶鑄出  
奇才請看桃李宮牆樹都是西林次第栽

七子同題翰苑襟鹿鳴十宴四瓊林德門豈借科名貴  
饗序由來教澤深陸贄文章多奏議韋皋節鉞是官箴  
知公自有調元手不負平生造士心

私褻心香二十年曾鈔柱史作家傳平看金紫多華胄  
難得青藍出大賢官冷蓮花秋夢裏詩尋槐樹舊廳前  
讀書我愧名臣裔一集成均待補編

先祖伯宗公由殿  
撰改官國子監助

教事見明史本傳  
所著有成均集

送張柯廬孝廉出都卽用見贈原韻

放膽文章刻意詩窮愁性命共支持千秋把臂交原篤  
一第登天事亦奇少日才名憎似錦連宵別夢亂於絲  
凌雲氣在終須吐莫忘青衫掩淚時

臥病寓園陳竹香廉使過訪話舊

駭浪如山撼屋牆河干風雨記連床誰知藜藿邀同飯  
更爲松楸念故鄉薄宦心情銷壯節驟寒天氣逼重陽  
不辭扶病談通夕賸有酬知淚數行

車笠交深拜母遲草堂連日駐旌旗廿年肝膽貧猶熱  
三品頭銜貴不知乞米頻分廉吏俸還山先約故人期

只愁韓范功名偉難得清狂似昔時

送潘比部歸粵兼寄柯廬孝廉

斗酒長安市傾心俠少年誰知賞音早翻在定交前  
寄句耽成癖狂名悔易傳相邀宜痛飲夜雪滿幽燕

五月柯廬別臨歧愴不勝科名同慘澹詩骨自峻嶒綺

語人俱艷

君新納姬

文鬼亦憎銷魂通夜語制淚撥寒燈

嶺海七千里寒天孤棹還門閭初白髮鄉路漸青山祿  
養吾何有林居夢亦閒南陔花萬樹羨汝舞衣斑

題綠姬畫梅

花骨雪心腸幽居祇薄粧忍飢餐秀色呵凍發奇香臥

影雲深綠橫枝月淡黃故園歸及早臨水有書堂

樊學齋小集應輔國公教

竹裏金樽送綺筵俊遊剛及餞春天王維澹坐成詩佛  
李白狂吟是酒仙楊柳青旗村店樹菜花黃蝶水鄉田  
小山何日容招隱請賦淮南第一篇

題陶鳧香

梁編修填詞圖

一櫂西冷載酒過閒愁黯黯寄微波小紅低唱簫聲遠  
太白狂游酒債多菊部流傳新樂府蘋洲冷落舊漁蓑  
天涯風雪旗亭暮爭語銷魂奈汝何

得松嵐觀察太原書寄荅

昨得太原書一尺故人憂國已華顛官清但飲桃花粥  
民從曾無燕子田見說綵旗行部後自寬金帶擲庭前  
青州富弼循聲早二麥應占大有年

題梧門學士玉延秋館

鮭菜亭邊宅尋秋與夙期山蔬宜此種霜味入君詩  
舊看花熟吏部聽有苑  
菴手植藤花圍荒補竹遲西涯有  
移竹詩似聞餐過

午說土每忘飢

一畝鋤雲地曾經借藥房病身容宦隱麤飯愛家常甘  
旨吾多缺林泉夢亦涼苦思煨芋夜水雪故園香

送包慎伯孝廉出都

肝腸如雪辯如雲  
拔劍哀歌此送君  
三策治河排賈讓  
萬言下第惜劉蕡  
飢鷹神俊猶無匹  
老驥騰驤故不羣  
莫倚才鋒輕一試  
濟時心苦要奇勲

題湯雨生騎尉秋江罷釣圖

塵海無邊寄斷萍  
一竿收臥水猶腥  
未嫌旅髮中年白  
偏愛漁蓑舊日青  
畫史頭銜雲嬾漫  
詞人心緒雨飄零  
只防船笛參差起  
不許閒鷗睡不醒

題從子秋江歸櫂圖

去住蹉跎始願非  
關心兩地有重圍  
每看家信愁分俸  
頻典朝衫待乞歸  
江上青山隨客櫂  
村邊紅樹認柴扉

夢中失喜吾先到一笑迎門淚溼衣

閒居觀物有蟲曰椿象附託甚高往往自隕曰菊  
牛隱爲花蠹去之良難因得二句續以成詩

物態旁觀熟年華冷醉過樹容椿象寄花病菊牛多薄  
宦愁蔬水幽居夢薛蘿微官難自給經世待如何

秦小峴少司寇觀芙初編修爲綠姬作畫蘭賦有  
詩見貽次韻奉答兼示芙初

佳句傳來費苦吟湘雲朵朵上衣襟徘徊似惜香山暮  
幽艷能傷楚客心誰采綠花貽遠佩自彈白雪和清琴  
孤芳替寫嬋娟影翻觸憐才淚不禁

白太傅詩芳蘭樹  
不榮荆棘鋤不去



兩者無奈何  
徘徊歲將暮

附錄原唱

秦 瀛 小峴

役役緇塵久廢吟  
傳來屏面愜幽襟  
西方彼美流蘭韻  
南國才人有賦心  
寫入春風湘畔草  
彈將明月海邊琴  
十年搖落誰能識  
采采芙蓉感不禁  
博士連年下第故及之

小峴先生示通州近作次韻二首

五字持標格微吟  
秋意生寒鐘自霜  
氣瓦缶敢雷鳴沙  
鷺宜占夕風蟬稍喚  
晴遙知移櫂處雲水蕩空明  
荒居疑冷寺小病欲長齋  
叢竹秋逾綠幽花晚亦佳  
昏

鴉投密樹溼蟻避閒堦默坐觀元化還應道帙偕

屠琴塢大令湯雨生騎尉雨中偕過寓園爲綠姬

合作聽香館圖

花雨濛濛散薜蘿草堂應署小鷗波縱無艷福仍蕭散

畧有清才便折磨新令尹初拋史筆

琴塢由翰林改官

故將軍

已著漁蓑

雨生有秋江罷釣圖

仙心供養惟煙墨持比浮名得較

多

題綠姬畫水仙

性情風韻總蕭疎花影亭亭寫照初商畧吾家偕隱事  
只宜飲水讀仙書

綠姬同澈霞夫人觀劇陶然亭遇雨先歸

五城歌舞市聲酣如此清游恐未諳今日風光應占斷  
青山紅袖似江南

片雲低處碾輕雷猶認當筵畫鼓催一笑翠翹都溼盡  
清風細雨雜香來

苦雨

苦雨十日斷賓客小園半畝淪蒿萊參天老樹太孤立  
臥地晚花猶一開屋漏交痕訝懸瀑墻根積腐疑傾雷  
因時補救豈無策緩急恃人殊可哀

翦燈昨夜拆家信去秋積潦無晚租今年新稻正針水

此雨下田憂作湖全家難飽太倉粟流民誰繪監門圖  
棄官未能母頭白終日撫膺增歎吁

初霽再用苦雨韻答小峴侍郎見簡

我出已誤身偃蹇公歸不早田疇荒松花況有故鄉味  
公以松花  
物團見貽雪酒更憐新甕開天街泥濘車陷轍水鄉卑  
溼蛟成雷已看出林月皎皎風笛何爲生遠哀

移竹愛分鄰寺種送花愧少園丁祖冷宦無聊且中隱  
芥舟可泛如孟湖漁莊紅樹已秋色吟社碧山空畫圖  
早晚投簪辦蓑笠鷺賓鷺友毋長吁

再題秋江歸櫂圖用鍾溪少空韻

且附糧艘去寒江知此情門閭老人淚冰雪異鄉程宦  
味諳余苦羈魂傍汝行孱軀善調護負米亦家聲

雪山轉餉詩孫子瀟

湘

庶常屬爲其尊甫太守丈

作

衣邊戰血馬蹄冰雪棧崎嶇出險會鹿石地寒江水凍  
鴉波山近障雲蒸邊沙路盡甘埋骨丙舍天高但撫膺  
今日追思猶慟絕猿聲萬樹是巴陵

一翁負土一橫戈廿載勞臣兩鬢皤

先大夫以防  
河病廢乞休雲簪

極天經紫塞風濤中夜守黃河當官力盡

恩難報述德心酸淚孰多史筆讓君追永叔龍圖肝石

待重磨

秋海棠

記向情天種夙根一紅黯淡又黃昏庭階隨地成幽意  
風露經時只淚痕晚艷無多偏耐冷秋陰自古易銷魂  
花前爲汝傷憔悴病蝶寒蛩滿故園

東坡生日題李委吹笛圖爲覃谿師作

大江東去流明月孤鶴南飛載謫仙獨許俊游偕二客  
誰知下界亦千年公詩快作穿雲弄我夢初迴泛雪船  
同藝黃州香一瓣蘇齋讀畫與參禪

爲覃谿師題王漁洋秋林讀書圖

江鳥江花共唱酬一尊介雅亦風流著書知有各山約  
特爲先生畫錦秋

寒雲落葉滿空庭辛苦倪寬隴帶經誰道故山蠶尾色

百年猶爲兩翁青

葉訖菴題句有云兩翁跋  
脚西窓語其一蓋西樵也

滄海無風瀾自迴仙山彈指出樓臺杜陵下筆神光接

萬卷曾經讀破來

海內論詩得髓真石帆衣鉢孰前因桃花偈子參三昧  
許我蓮洋作替人

香蘇山館今體詩鈔卷六終

香蘇山館今體詩鈔卷七

東鄉 吳嵩梁 蘭雪

二月廿七日奉許太宜人出都

庚午

孤生誤微祿出處素心違一慟辭官晚

聞樂太宜人訃

扁舟奉

母歸雲還遮故國草自戀春暉莫近河西泊天寒鴈獨

飛

癸丑先兄茗香病沒於河西務舟中

通州曉發

驛騎馳江岸開緘涕泪俱紫葢分

賜藥

師相戴運士先生

白

粲餽行廚

倉督戴可亭先生

風義師門厚陽和病骨蘇衰親能

健飯貧養且枝梧



孫淵如觀察枉過德安舟中

同載歐門酒升沉判十年才名歸樸學宦味入枯禪禹

穴書容借

屬題禹穴探書圖

鷗波畫許傳

見綠姬畫稱爲傳作

旌旗閒臥

久雨細未開船

濟南酬別陳竹香河督

鼓角軍門曉移舟送出城材官護行李婦孺識交情墓

表新阡貴

恩邀異等榮吾文無溢美慎重勒幽銘

君屬

爲尊甫靜山先生銘墓

竹香河督以家藏筆墨遣舟馳寄綠春乞畫爲報

一騎及風船書來墨尙鮮選毫花入夢開匣玉成烟高

格君能賞幽姿我亦憐還應寄叢蕙香到故人前

桃花菴同江子屏張子貞作

亭午泛風漪林深轉櫂遲竹聲涼似雨琴味澹於詩

僧善

田能鼓琴對佛花微笑游仙鶴嬾騎幽尋避絃管此意白雲知

常州唐孝女名素賣畫養親矢志不字年已七十

有二矣余與綠姬偕游惠山親至其家各贈一

畫而別並紀以詩

蛾眉生小謝鉛華粉墨流傳自一家門掩惠山蒼翠裏  
慈烏啼上女貞花

三絕誰誇老鄭虔白頭歸養已無田冷官不及寒閨女  
賣畫承歡五十年

吾家侍女有清娛學寫丹青恐不如若買二泉亭畔宅  
爲君滌硯埽風爐

綠姬侍太宜人游康山江成叔觀察屬畫蘭爲鐫  
連章玉印以報一曰岳氏綠春一曰聽香館書  
玉質旣瑩刻手亦善殊可玩也

小印茗華琢迴環巧製成露濃珠字溼烟暖玉香生押  
尾花俱豔隨身珮有聲鷗波留妙蹟論價亦連城

武邱寓園雜詩

中丞執高義

章公桐門

留客借名園埽地初安榻搖船直到

門林居耽寂寞旅食愧晨昏感激衰親最全家有淚痕

### 孫武子祠

臨溪留一榭擴地改崇祠陣法吳宮記軍謀伍相知荒

雲迷大冢陰雨見靈旗銅印傳家在沉吟欠小詩

裔孫淵如

以所得名印屬賦

### 寒香閣

拜像寒香閣重闌感授經藥丸和淚苦燈燄逼霜青吾

母心同瘁孤兒鬢亦星慈雲容小住未敢說飄零

節孝許太

夫人專祠前爲授書堂後爲寒香閣閣有塑像吾母許太宜人下榻其中

小琅嬛洞

花裏洞天閒雲扉自不關讀書無世味隨地有仙山綠  
蘚都成字丹砂久駐顏一星猶小謫醉草落人間

南樓

洞裏穿雲出雲邊有畫樓霽花明向夕風葉響成秋人  
影遙參塔墻陰下泊舟簫聲聽不得哀怨入中流

池上

小坐臨池久微涼醒薄醺鷺拳沙有影魚定水無紋林  
滴猶成雨嵐霏欲化雲墻西鄰塔院高樹與平分

晚荷

池淺荷新種過時情未開一花擎水出萬葉送秋來晚  
嫁傾城豔單門絕世才涼波如鏡裏照影自低徊

早桂

嫩寒庭院綠叢桂試花天山小吾堪隱香幽此入禪鄉  
園留宋樹旅泊繫吳船苦憶同芳榭涼午月圓

礪阿精舍

臨水三間屋秋陰帶薜蘿移家如畫艇選夢只漁蓑病  
骨花同瘦愁心水又波買山非易事歸養悔蹉跎

荷花生日慶佑之方伯枉過寓園

旌旆侵晨過草堂巡檐先聽鵲聲忙青山導客雲俱入

香蘇山館詩集卷七

四

紅藕擎花水亦香門外笙歌沿舊俗池邊樓閣受新涼  
誰知密坐論心久午樹移陰已下牆

佑之方伯招飲未赴奉謝二首

四督江南二十年相公手植樹參天趨庭才子今開府

奉使秋曹舊列仙

前爲比部郎以  
獻欽道出吳中

一鶴隨舟人似月六

鰲擎柱海無烟吳中金粟如流水新句家家被管弦

公爲

尹文端公少子由福  
建陝西移節江蘇

經世餘閒養性情鉅公還是一書生畫來水蝶有仙意

公善  
畫蝶

詩入風琴多遠聲載酒曾攜孤櫂出看山每避八

騶行鑑湖一醉儂無福慙愧憐才賀四明

病中得佑之方伯手書

小別兼旬似隔年手書重感寄纏綿枕邊覓句秋同瘦

琴裏懷人月又圓

命題泛月理琴圖

示疾維摩仍說法論兵杜

牧已參禪

書中有樊川同病語

安心未用焚香臥消受茶烟與藥

烟

書隨園先生題佑之丈泛月理琴圖詩後

一葦依然不繫舟水絃彈近秣陵秋故人只有倉山叟

華月傷心記庾樓

戟門沉醉夜如何日日傳箋到薜蘿爭怪門生揮老淚  
受知深比受恩多



流水高山響未窮  
賞音萬古託絲桐  
才人感遇休棖觸  
小范於今有父風

烟水江南最有情  
舊游我亦愴平生  
松濤昨夜翻秋雨  
猶認成連指上聲

夜涼

園居借得避炎蒸  
縱酒顛花謝不能  
苦茗味濃煎綠雪  
甘瓜涼透飲紅冰  
蟬聲爭樹聽難辨  
鶴影臨池喚欲膺  
一雨夜來貪早睡  
繡簾猶剪讀書燈

謂綠姬

林臥有懷吳山尊學士巢松庶常

穿城一水路迢迢  
林卧經秋負雅招  
竹影移窻看入畫

松聲遶屋認歸潮  
煙雲過眼都無礙  
永炭填胸已漸消  
病瘧初愈  
聞說木樨花信早  
遲君載酒踏谿橋

謝吳子華貺荷花茶

佳茗才煎午亦涼  
閨中遠寄許分嘗  
露華沁齒風生腋  
都是新詩一味香

一榭園晚集同子華城東

岩扉深掩夜迢迢  
佳客能來慰寂寥  
花裏移樽開水榭  
月中聽笛近桐橋  
湘臺小試香初出  
是日以扇乞綠姬畫蘭  
仙句微吟病亦消  
明日晚涼身較健  
尋秋同上木蘭橈

澹香樓晚歸爲綠姬作

畫裏笙歌向晚稀  
洞雲穿過又林扉  
青蘭壓鬢盈盈步  
黃蝶隨身緩緩歸  
小立未妨閒話久  
重來生怕俊游非  
尋秋女伴誇風韻  
爭指雲藍墨繡衣

山塘有繡綠姬畫蘭團扇者爲賦一詩

墨妙雙鉤入繡工  
家家畫扇遍吳中  
老夫卻借生花筆  
分得風流敵放翁

題張淦卿潭西捉醉圖

危嵐古木共嵯峨  
雲結層陰水怒波  
暮景園林花事少  
歡場涕泪酒人多  
雄文放膽疑天問  
綺語銷魂怕佛訶  
我並無詩供一醉  
苦茶風味病頭陀

白公祠小集同徐嬾雲鈕匪石郭頻伽董环卿追  
憶錢竹汀袁簡齋諸公舊游愴然有作

紙醉金迷二十年美人如月水如烟木犀風過香無隱  
頭白來參病後禪

紛紛黃葉點青莎晚蝶寒蛩奈汝何一盞莫辭花下酒  
江南耆舊已無多

聽香館悼亡詩爲岳姬綠春作

冷暖相依僅五年不應草草賦游仙早知一病無醫法  
何苦三生種夙緣嫁日歡娛如夢裏殮時明麗倍生前  
定情詩扇教隨殉誰誦新詞遍九泉

姬來歸余爲賦綠春詞十五首書扇

今以  
爲殉

碧桃小朵記初簪眉語盈盈許獨深弱質敢期人一代

貧家能卻聘千金

余初贈姬碧桃一枝俄有奪以重聘者姬曰兒已簪吳氏花矣衾裯

命薄甘隨分翰墨緣多苦用心難得生花雙腕俊左持

湘管石金針

姬左右手並能書畫

深春妍暖早秋涼池館蕭閒卽洞房瓶水浸開紅芍藥

鬢花簪遍白丁香蟲聲嗚咽吟幽砌樹影玲瓏畫粉牆

用姬舊句佳句而今零落盡但思清景亦霑裳

粉坊街近屢移家鏡具書奩共一車重典春衫因買硯

曩在京師有持黃莘田手製硯求售者姬典衣購之

多藏雪水替煎茶

余嗜茗飲姬以甕藏

積雪經夏猶有

海東乞畫持蕉布

琉球貢使以方物來獻乞寫墨蘭八幅

天上酬

詩贈桂花

豫郎送折枝桂花助粧

不合清名收太早折除恩愛是

才華

縞衣一換淚先傾奉母艱難百事并遠望魂消歸櫂影

追逋夢怯打門聲賣文辛苦憐何補投絨蹉跎悔未成

孤負同心謀養急勸拋微祿辦躬耕

津門迢遞隔江關旅泊經春苦未還廿四花風蝴蝶瘦

一家人影驚絲閒衣香小立飄隋苑泉味同嘗愛惠山

輸與常州唐孝女白頭賣畫尙人間

孝女以筆資養親五十年與姬同游

惠山各出其畫爲贈

過江風急片帆催離恨今生第一回涕淚瓊瑰俱化血

肝腸錦繡驟成灰

舟發胥門姬望余去遠一慟嘔血比至杭州相見病已不支矣詩樓

舊藁邀重勘

瘦吟樓集金纖纖夫人所撰

花市清游約共來

張望湖宜人歸

佩珊王梅卿兩女史約以菊花大放重集萬園

不信名山先永訣洞雲終古鎖

粧臺

越水吳山一櫂經記扶殘病望西泠綵雲未散魂先怯

鄉月初圓夢已醒曾共苦寒禁朔雪何堪幽怨懣東星

尋踪若到前游地杯酒因君奠小青

帶圍寬盡舊湘裙支枕哀吟未忍聞雙頰斷紅疑中酒

一梳濃綠怕銷雲翻書風過微嫌冷沉水州多重怯熏

爲愛梅花猶強坐寒香禁受兩三分

夜半天風沸海潮仙舟綵伴似相邀

歿前一夕聞夢中喚船與阿姊偕行

買山只道成偕隱臨水何堪誦大招心力無多愁易盡

聰明太過福難消他生合作癡兒女莫憶前身是翠翹

芳魂飄泊定何如一榻還應戀舊居香散藥烟仍慘淡

夢聞蘭喘更欹歔丹青小浣拈殘筆脂粉微沾讀過書

今日迴思扶病日始知愁緒亦歡愉

優曇花影悟前因斷雨零風了一春彤史難修惟贖墨

綠琴纔斷已生塵鷗波妙筆同庚女

徐又淑女史與姬同王子生有畫蘭

合璧一冊柳絮清才絕世人

寶湘英女史兼工吟咏爲所珍藏只恐



金閨詩畫侶重尋舊蹟也傷神

著書久伴病維摩遺語關心鬢早皤願擲金錢供校刻

曾傾盡篋代收羅

姬每慮予早衰手藏香蘇山館集副本願爲鋟板至是請盡斥服飾以踐

此約語再來緣分修偕老小謫光陰喚奈何定許百年

同入傳讓人佩馱也無多

一棺倉卒瘞西塋

墓在芳草堂西

行過芳塘慟不勝埋玉今朝

山下土唾紅昨夜枕前冰鴛央繡帶愁空結鸚鵡琵琶

喚不應幸得生朝留小像爐香影裏共寒燈

八月六日姬十九歲

初度虎邱塑像者適成今以供養室中

新田寺對墓門寬慘慘松陰晝亦寒雙樹手栽憐並活

一花先謝忍重看

墓前移花二株海棠初開梅已謝矣

賢如絡秀身誰嗣

碑傲清娛墨未乾莫怪傷春吟太苦傾城容易素心難

綠姬歿已四十九日夢中忽爲余誦心經二句曰

色卽是空空卽是色對以詩中有畫畫中有詩

覺而有悟遂題於所臨丁南羽白描觀音像軸

末用誌皈依之誠何敢自謂能解脫耶嘉慶十

六年二月十一日蓮花博士記

夢裏相逢了不疑風神閒遠似平時天花散後香仍滿  
水月參來悟未遲色卽是空空卽色詩中有畫畫中詩  
一蒲團地今回向多謝嬋娟作導師

三月初九日方石亭明府寓館扶鸞小集延袁藹  
花仙史降壇詢綠姬因果先成一詩見贈曰東  
湖新柳遶春堤冷月荒齋夜不迷記取紅鸞山  
下路綠雲如掌待君題稍停復書曰今日稍有  
職事只好約略言之然前因後果已了了矣催  
雲舊史本住犀宮約雨仙郎原居月海銀河水  
淺難容比目之魚玉管花飛願跨連翹之鳳偶  
獲燕蘭之咎同離降露之區此前因也廿年花  
豔重來嫩綠之鬢千里車來共覓好春之句不  
似人間天上粉本雙窺卻從漢水荆山金環再

認可惜吟髭似雪元蛤香寒更憐妙句如蘭綠  
熊玉並此後果也且不甚遠余未釋然次日復  
延仙史至壇曰綠春畫筆極有清致足爲粉候  
出色其不永年亦在此昨所謂不甚遠者廿年  
一瞬耳不必狐疑今已往生言氏小名月姑我  
輩在此清談彼正啞啞學語也此與雲溪友議  
所載韋臯玉簫事絕相類情之所至再生不渝  
其理亦有足信者感賦二詩

一瓣蓮花大願船似聞解脫去生天再來應爲多情累  
今世難酬未了緣探手金環遙計日迴身紫玉驟成烟

此愁已分能銷骨離別爭禁二十年

約雨催雲舊不違泠泠仙語是耶非  
早完造像韋郎約重乞離魂倩女歸  
對影還澆生日酒熏香替卷嫁時衣  
碧桃樹合從新種留與花天駐夕暉

悼春雜詩

旅泊經年一棹還故園隨分有柴關  
忍飢只願餐蛾綠鏡裏春痕斷遠山

啼粧病態畫難成才掩芳華已隔生  
蘭氣一絲腰半束風神未減雪聰明

一領深紅夾繡衣玉釵同殉翠成圍  
村姑莫太誇矜寵

曾向春明質庫歸

牙籤錦軸善收藏  
草稿零星賸墨香  
身後才知無長物  
除多書畫卽空箱

庭樹陰陰薜砌青  
游絲飛絮入窗櫺  
一方繡榻無人埽

匹似春寒睡未醒

一作罌梅花帳無人捲  
蕉布質輕如絹爲姬製帳甫成湯雨

生騎尉將之粵爲  
留一日畫梅而去

斷夢如烟不可尋  
簾波燈影共沉沉  
幽花零落餘枯樹

離緒誰知比病深

余初卧病聽香館夢中得句云幽花  
貧女淚枯樹老夫心姬爲篝燈錄之

黃芽丹橘佐春杯  
緘寄重煩驛使催  
天上人間同此恨

玉環仙去荔枝來

沒後陳石士編修寄南豐晚橘曹駿  
耕郡丞寄京師黃芽菜至以供靈席

不勝  
泣然

一卷金經識夙因  
觀空閱世總酸辛  
靈風忽漾爐烟裊  
不見當時繡佛人

博士頭銜註籍無  
俸錢閒擲酒千壺  
種花畢竟偕仙隱

讓汝先歸領鑑湖

蓮花博士第三圖中有綠姬小影汪浣雲儀部所作也

瓶中白山茶

綠姬沒前一日注視瓶花良久花瓣驟落其魂黯然與俱離矣

娟娟玉茗比幽姿  
開罷依然供折枝  
一點花魂無覓處

小窗斜月夢來時

石溪館梅

綠姬初歸嘗扶病一至花下低徊不去花尙未開惟愛其影而已

臨水柴門久未開  
寒香漠漠點蒼苔  
傷心一樹梅花影

會上仙人縞袂來

題畫蘭冊

花含風露葉生波  
曾費粧臺墨幾螺  
遊戲當時皆妙繪  
畫蘭廢紙補窗多  
眞跡而今得已難  
一莖一葉也尋看  
可憐絕筆吳篷裏  
淚入秋花未肯乾

篋中檢得著色蘭扇再賦一詩

湘水流香入硯池  
湘雲搖影上花枝  
文章哀豔能消福  
悔乞湘娥畫楚詞

題畫梅遺幅

庚午三月廿五日  
濟寧舟中爲  
余初度作是日泊太白樓下



冰雪襟期願白頭去年今日此扁舟江風一笛花飄盡  
腸斷仙人舊酒樓

芳草塘上冢詞

寒食風光穀雨茶年年芳草隔天涯誰知舊日嬉春地  
一朵先埋並蒂花

斷腸春色似青陵蝴蝶前身化未曾欲施墓田修佛事  
桐陰廢寺久無僧

千載亭誰建六如朝雲往事一欵歔踏青女伴尋仙塚  
爭弔蓮花女侍書

落日空山哭杜鵑梨花吹雪柳成烟吟魂莫遣銷都盡

難得春風有閨年

憶別虎邱寓園愴然有作

一梅園卽今  
孫武子祠

紅樹斜陽黯畫樓  
離魂悽斷在蘇州  
而今怕作江南客  
花月傷心異昔游

峯頂菴

萬峯藏一寺到寺始知門  
澗水都通屋田秧似入村  
折枝花供佛穿徑竹多孫老  
衲能耕種幽居欲就論

題孫蓮水粵游詩卷

十載征衫似舊青  
才名大可慰飄零  
銷魂到處栽紅豆  
買酒同誰酌素馨  
古洞尋將猿女去  
新詩吟與蜚孃聽

輸君一枕游仙夢春漲移船睡未醒

閒居

四十歸田悔已遲平生心事白雲知身經倦客難勝酒  
心冷名山漸廢詩幽臥最憐初雨後意行多在晚晴時  
寬鞋瘦策相忘久除卻林泉總不宜

紫薇花

幽花一樹影垂垂又是新秋薄霽時微雨涼飄初墜葉  
夕陽紅亞最繁枝頭銜畫省成孤負手折名園贈阿誰  
枯坐而今無老伴黃昏滋味夜蛩知

春暉草堂紀事詩

有序

吾家新田世爲清族先考鏡泉府君以循廉著聲嘗因  
治河受知諸城劉文正公爲舉漢書語人曰河南吳公  
治平第一歷官滎陽光山魯山洛陽修武知縣遷湖北  
施南府通判大學士高公晉奏留豫工以陞銜仍攝修  
武縣事三遇

覃恩敕贈先曾祖饒湖公祖退菴公文林郎晉承德郎  
曾祖妣林氏祖妣余氏孺人晉安人又體退菴公之志  
貽贈先伯祖健菴公文林郎伯祖妣李氏孺人故及身  
均未請

封崇孝讓也嵩梁少孤多難力疾讀書兩母相依一兄

前沒加以河工賠帑累奉部追羽檄農催炊烟爰斷常  
懼溝壑早填志業中廢無由顯揚萬一重忝所生自竊  
科名濫望朝籍吾師戴文端公深諒烏烏之隱代入司  
馬之貲嘉慶七年遂獲以候選國子監博士加四級  
誥贈先考爲奉直大夫

封母樂氏許氏爲太宜人本身及原配劉氏同領  
誥命一軸十四年恭遇

覃恩以現任博士候補內閣中書加一級復請

貤贈先伯兄茗香明經爲文林郎嫂彭氏陳氏爲孀人  
於是祖孫四世十有四人先後相繼咸被

褒寵蓋在鄉閭亦稱盛事非本彝訓安可濫邀乎是年  
冬丁樂太宜人憂歸自京師十七年孟春服除嵩梁始  
克奉吾母許太宜人翟衣魚軒謁祭祠墓以表慶澤禮  
也然而范喬奉硯已未見其成人永叔表阡仍將遲於  
有待力難心副感與涕俱敬撰今體詩十章上紀

榮恩下述先德俾人迎神之曲薦醴有辭且補循陔之  
詩吹笙可侑云爾

三錫榮邀十四人紫泥重疊下

楓宸名山占籍宗祠舊貞石鐫華表墓新直節猶傳明

殿閣

芝田公明洪武四年狀元官武英殿大學士刻明惟庸專恣不法見明史本傳

孤忠專祀

宋遺民

新溪公宋咸淳七年進士德祐中辟禮兵部架閣參贊軍幕元初累徵不出事見鄧中齋續宋

書文丞

蓬萊仙露霑都滿花草江鄉分外春

儒生家世本清寒負耒傭書肯暫寬萬石從來多隱德

一經敢望博朝官單衾睡少勤宵課借米歸遲廢午餐

彝訓至今傳手澤榮名易得素風難

老鶴將雛筍出林書香累葉幾青衿芝田耐祭承家法

桂隱餘芬滿樹陰

子雲公師事陸象山先生晚號桂隱居士手植桂一株尚存退庵公窮理

篤行克傳家學今建專祠亦植雙桂於庭而以先大夫耐祭蓋沿芝田公耐於大祠舊制也

培植先

從鄉塾厚溝防恒護稻塍深卅年清俸憂難繼合補平

生未了心

退菴公病革以三事告先大夫曰建宗祠立義學興水利蓋祠燬于火子弟貧多不能讀

書濬築南湖溉田可千餘畝皆公所欲行於鄉閭者先  
大夫蒞官後節寄廉俸五千金屬諸父善爲經畫今大  
祠告成而兩事中輟不肖力無  
以繼其心固未敢一日暫忘也

手版風塵素願違趨庭舊事一霑衣黃河終始宣勞盡

白首艱難乞病歸山縣書聲馴虎久在魯山縣任修元

課士有虎入市甚馴板橋圖畫瑞麟稀修武板橋段氏有牛產

知身後官逋重廉吏兒孫要忍飢河工攤賠銀兩三奉

已邀恩詔豁免胥吏苛求至今未絕

雙聘曾傳玉鏡臺同居娣姒久無猜伯仁名藉慈親重

叔隗賢資內助才朱邸分箋賡燕喜太宜人七十誕辰

邸皆遣官臨賀輔國公思元崇之兩主人撰句尤工丹霞捧



誥逐鸞迴

恩榮莫道寒閨少廿載燈前有荻灰

迎養相看兩鬢皤板輿先後隔關河祿求佐郡官原苦

事到違心夢亦訛

嘉慶十一年迎兩母就養京師樂太

後外就郡丞援例告近再逐慈輿十入畫依然偕佩黻

四年十月間計卽奉許太宜人以歸

華吉厓爲余作扁舟歸養圖歸田終是恨蹉跎宮袍還

中有亡室及岳姬綠春小影

作萊衣舞誰見華筵暗淚多

機雲當日擅風流分住東西屋兩頭夜雨同聽常對榻

新桐手植已過樓註名丹籍知何補埋骨青山願未酬

一語寄君應慰藉斜川今與竹林遊

伯兄與余讀書桐屋萬若輞岡爲繪

國癸丑病歿哭以詩曰四海如今一子由對床風雨夢眞川青山未許先埋骨願與東坡續舊游

憂患餘生感少孤簫聲淒咽徧江湖千金賦賣窮司馬五品銜增下大夫久識浮名如畫餅略將私願表慈烏卷施草是傷心種報得春暉萬一無

薦士空隨計吏車成均領袖媿清華鳳凰未識池邊樹

內閣候補

桃李先栽海外花

嘉慶十年中山陪臣入監肄業余以博士奏充琉球學經理官

韓愈四門猶索米鄭虔三絕枉名家冗官風味寒如水也有人將畫錦誇

宦海京塵欲漲天還鄉夢好似游仙重扶白髮花前杖來泊青山渡口船館俸但求供菽水村居偏愛有林泉

國恩自分酬無地再乞承歡五十年

記事圖爲汪星石作

束髮就家塾烟雲資性靈只今詩夢裏第一故山青

小龍

山讀

書

開門雪滿山探梅入山去日暮拘花歸雪深不知路

大雪

探梅

大江湧山出絕頂與天通披雲看初日海氣青濛濛

金山

觀日出

虛亭俯明漪松陰見山脊坐愛風泉聲眾喧歸一寂

冷泉

亭聽泉

海氣蹴天驕千山與動搖君詩極雄宕應似浙江潮錢塘

湖觀

畫意馬秋藥

太常為余作  
桐江秋泛圖

歌聲陳玉烟

女郎能唱余  
蘭溪摧歌

桐

江吾舊隱先買釣魚船

桐江垂釣

昨來浪如山今日平於紙險夷君達觀鄱陽一杯水

鄱陽

湖遇風

仙山在人海勝絕是匡廬愧我頭成雪歸來未著書

風定

游白鶴洞

吳楚故倦游山居人事屏閉門哦秋詩鶴踏高梧影

桐屋

秋吟

未奏長楊賦閒爲綺陌遊射雕身手健命中亦風流春郊

習射

枯桐有遠音非弦亦非指一片妙明心泠泠在秋水滄浪

亭彈琴

琴

危崖繫孤艇陰雲壓層嶂天寒羈夢多江聲發悲壯燕

磯夜泊

泊

公子能高詠仙人亦愛才明朝傳異事樓上鶴飛回除日

黃鶴樓

題壁

兒女英雄地才人會合秋湖名君記取莫更長離愁莫愁

湖懷舊

舊

深院花如海春人緩緩歸一歌金縷曲紅雪已霑衣

海棠

花下  
填詞

坐隱銷寒夕輸贏布局新旁觀宜冷眼誰是爛柯人

雪夜

圍  
棋

### 題張望湖夫人深閨織素圖

織女驂雲下玉京七襄妙手悟前生人間誰識支機石

天上猶聞曳履聲

謂畢秋  
帆尚書

湘水宦游如續夢

公子青舟  
今官湖南

函風圖畫最關情後堂未許彭宣到慙愧金閨紀姓名

紈綺叢中懺夙因剪刀燈火自辛勤堂前繡佛惟供茗

壁上龍梭欲化雲課子酸心留斷杼寄書清淚染迴文

年來仙蝶詩傳遍錯認麻姑五色裙

夫人有五色胡蝶詩甚工

木樨香透嫩寒天曾載清樽泊畫船不道朝雲成隔世

如今坡老亦參禪湖山難踐他生約翰墨粗酬未了緣

只恐緘題花下折也應追悼舊嬋娟

庚午寓武邱一榭園夫人載酒枉過

以此卷屬綠姬乞題今姬化去已三年矣

寄題宜黃余氏梧陰書屋其節母羅太孺人所建也

慈幃手種樹成陰桐子桐孫又十尋樓外嶺雲開幔入

花邊溪水到門深芸香久識耽書味燈影猶傳畫荻心

曾是東坡連榻地攀條我亦淚霑襟

舊與先兄茗香有桐屋讀書圖

題戴文端公樗園授經圖遺像

有序

嘉慶十六年春無錫華君吉厓爲吾師戴文端公  
寫樗園授經圖像於京師樗園者公西苑直廬  
也公嘗課公子嘉端讀書其中故爲是圖圖成時  
梁已別公先歸遂不復見今來會葬南昌崑禾舍  
人始奉遺命屬題其後因獲攜歸里舍焚香拜觀  
追念昔遊涕泗橫集吾師道德勲業冠冕中朝  
宜載惇史嵩梁受業受知三十年末由仰副萬一  
惟敬勗公子勉承家學以報國恩庶幾詩人琢  
磨之義或亦作者所不廢歟



西苑從容下直回一編親領鳳雛來經通戴聖原家學  
業繼韋賢卽相才中祕有書皆府庫故鄉無地可樓臺  
行看玉樹捎雲長桃李三千讓手栽

記捧珍裘快雪餘錫名佳兆賀充間

辛酉冬哲嗣誕生公適拜元狐端罩

之

賜因以命名梁次朱誰知

文正公原韻賦詩爲賀

法駕臨喪日重感孤兒得

觀初五品銜增門第寵一

科榮勝職官除

世襲雲騎尉欽賜舉人

天恩高厚憂難報莫恃聰明少讀書

負笈蘭臺廿九年門生投老亦歸田難修慧業偕蘇頌  
深愧詩名許鄭虔七榜掄才尊使節

兩朝進講侍

經筵青箱文字知多少合付麻沙次

第鐫

供奉重來雪滿頭也曾歸養盡扁舟

庚午春奉母出都吉厯爲作扁舟歸

養延年猶饋衰親藥

公潁行以賜參分貺

曳杖俄驚寢室秋今日

全家容下拜平生知己悔何酬異聞爲話趨庭事開卷先教淚迸流

驚湖書院謁四賢祠用先賢朱陸唱和詩韻示諸

生

名山講席四朝欽懷古能堅嚮道心供祀田多資澗水藏書樓迥倚烟岑天香六樹雲常守積翠千峯雨未沉

一自龍鸞迴

御筆絃歌比戶到如今

遺詩三復久逾欽  
論定平生費苦心  
上達工夫先下學  
異苔臭味本同岑  
龜峯近地鄰堪卜  
鹿洞微言道豈沉  
願與諸君涵教澤  
樵夫笑士古猶今

書四賢祠萬厯十四年碑後

曲徑回廊掩薜蘿  
一碑特與細摩挲  
古來仁政先經界  
今日清風滿誦歌  
田入名祠供祭久  
山鄰富寺被侵多  
護持賴有循良吏  
貞石重鐫定不磨

修花館詩爲范姬作

騎省年來鬢雪添紅鸞偏爲老夫占纔溫舊榻難同夢  
重畫纖眉欲避嫌衣愛洗多顏色淡香知熏久性情恬  
洞房小設修花館惟有圖書壓鏡奩

也能洗硯也熏衣也織流黃上錦機脫草詩篇教漸熟  
簪花字格倣猶非月鉤淺約新鞵樣雲髻低籠軟翠圍  
偏恨尹邢相避早夢中親見素娥歸

潘芝軒少宰校士信州賦呈四詩

靈山雲擁使槎來多士歡聲動若雷地主青箱能講學  
謂王箕山太守天官玉尺妙量才精思誰入中黃殼奇賞同浮

大白杯聞說沂公親種樹百花頭上定先開

細雨春帆旅泊初江城曾記枉旌旗病身許借譚經席

衰母教移乞養書海國豈能宣

雅化

嘉慶十年梁以博士奏充琉球

學經理官鄉山大可賦閒居觀風要備輜軒採鈔得新詩付

小胥

驚湖教澤四賢深

宸翰飛騰照古今華國文章

無僞體雅歌笙磬有同音異端敢占名山業

書院所管大源坑山

三十九頃載在明碑近爲峯頂寺僧所侵請於太守許爲據碑立界以復舊制恆產能留造士

心乾隆九年前鉛山令鄭君之僑撰書田志具載地名租額以防侵漁此後擴增田租八百餘石俱未補入

今議重修貞石待求燕許筆並邀循吏入儒林

一隊欄衫謁泮宮採芹消息報東風明知小草栽培易

難得名賢藻鑑同  
鶯愛遷喬新  
嘯麗馬憐仰秣  
舊羣空孤根自愧  
非桃李也熱心香  
事醉翁

王簀山太守邀陪  
芝軒少宰讌集皆  
山堂笙歌徹夜主  
客盡歡明日周覽  
信江書院諸勝搖  
漿而去追送以詩

信州山水似滁州  
校士餘閒足讌游  
都說人才歸月旦  
卽看歌舞亦風流  
千花怒發文心麗  
萬馬雄爭筆陣秋  
吹徹玉簫剛夜半  
涼雲都在樹梢頭

樓閣參差講舍開  
隔江人望似蓬萊  
能兼教養惟循吏  
不負山川始異才  
寺有神鐘寧久棄

城隅古鐘  
今懸寺樓

園多美

竹是新栽關情偏讓閒鷗鷺親送仙雲拂櫂迴

閒居二首

膝下孤兒髻已斑扁舟侍膳久應還三年不作早朝詠  
一笑且開慈母顏小草都含時雨秀晴天能養片雲閒  
綠陰庭院堪移榻況有牆頭無數山

艾葉昌蒲插戶斜林居風致勝京華門生餽節更攜酒  
村女助粧來送花飼鶴懶從官給俸移書貪就館爲家  
天長睡美無餘事自煮驚湖新種茶

雨後攜姬人出游

夕陽紅嫩水風柔天氣新涼似早秋羅袂香飄來樹底

鬢花低影入谿流看山到處雙吟展偕隱全家一釣舟  
卻笑季長書味淺絳帷絲竹避清游

閒行詩五月十三日作

終日焚香坐小齋閒行也要暢幽懷雨餘試踏門前路  
芳草青青已沒鞋

無數奇峯繞院牆不知城市有驕陽老松兀傲難爲用  
深翠猶生五月涼

高下山田閒水田浮嵐渺渺入炊烟稻花迴合雲千頃  
方信人家在綠天

雲碓聲喧似緯車香秔春熟午陰斜風輪自轉寒谿水



半帶松毛半落花

落紅漂盡卧谿藤  
臨水柴扉叩未應  
風過忽聞花氣味  
筠籃香透賣茶僧

牛背何人弄笛回  
松風礪水咎清哀  
一衫新翠和雲溼  
尋到芭蕉塢裏來

種紙人家竹萬竿  
屋前屋後盡檀欒  
此君難得逢新醉  
便乞移栽雨後看

石井闌邊水桂枝  
亭亭瘦影俯寒漪  
秋深縱有花消息  
一種幽香付阿誰

谿水滌洄十里遙  
晚花涼葉自蕭蕭  
漁兄漁弟歸同路

一笠斜陽渡石橋

桐子桐孫長出林  
鄰翁手種也  
沉吟隔牆便是儂書屋  
日日開簾借綠陰

一櫂江湖萬里輕  
阻風中酒足平生  
如今愛倚西塍杖  
踏月來聽放水聲

閒身寄在水雲中  
飲啄相忘睡亦同  
我與沙禽成道侶  
白頭翁喚信天翁

八月初六日爲亡姬綠春生辰追悼以詩

一樹前年借武邱  
桂花風裏愛清游  
去年芳草斜陽路  
哭奠朝雲土一坏  
今日孤墳都遠別  
昨宵歸夢更同舟

何時真踐三生約人月團圓共小樓

簣山太守約以勘山枉過鷺湖雨後奉懷

終古名山養異才明碑鄭志與低徊地留勝蹟因前哲  
天遣成功屬後來胥吏權尊能去籍浮屠黨盛恃多財  
平心願讀昌黎表佛骨能燒況劫灰

素心早共白雲盟五馬逡巡歲又更講學文翁原愛士  
辭金楊震豈沽名清游三伏宜新霽絕業千秋貴早成  
聞道山靈能勸駕四賢抗手揖先生

塔頂老樹特立不羣有足感者爲賦一詩

浮圖絕頂樹嵯峨託地高寒奈汝何自分孤根無着處

九霄風露受偏多

雨後望靈山

靈山遙望最高峯  
苦被浮雲隔幾重  
快雨連宵都洗淨  
插天一朵翠芙蓉

箕山太守邀游亦樂堂遠風亭茶山寺同作

晴嵐如黛水天澄  
高閣平臨嶺樹層  
親手種花秋亦豔  
低頭拜石老猶能  
官情不媿二千石  
酒美先浮三百升  
新句定推君第一  
我爲擊節萬山聲

樹杪孤亭落照斜  
平疇遠水帶平沙  
雲連晚稻無邊綠  
風脫秋荷一半花  
彭澤宦情銷斗米  
右丞詩意在田家

徑思泥飲前村去豐歲都言酒易賒

兩腋清風似玉川重尋古寺爲名泉摘茶難得逢春雨  
看竹還能坐綠天廉吏同來惟飲水才人漸老亦參禪  
惠山根觸前游地不見洪崖又十年

謂雅存  
編修

簣山太守歸自南昌邀游一杯亭嶽雲寺吉陽樓

同作

太守乘槎章水秋有人吹笛上天游

峯名在武  
夷第六曲

平章烟

月須吾輩管領江山又此州九日閒居誰跌宕一杯同  
醉亦風流下方今夜聞仙樂坡老簪花笑不休

曾觀日出大瀛東岱岳天寒海氣通古寺來游忘地僻

靈山可祀報年豐濃雲潑墨青連塢高竹如椽翠埽空  
徑擬林陰添小築尋詩多在亂泉中

城邊籬落似村莊城外青山對吉陽半捲旌旗林雨溼  
初收粳稻水田香園無隙地知能種寺有名泉許共嘗  
明日北風吾解纜白鷗飛處認歸樞

將解館歸肄業諸生附近居民各載家釀且演村  
劇爲餞甚愧其意並酬以詩

請業吾何有閒齋借養疴學因諸子長心愧四賢多薄  
義求疏水幽居掩薜蘿名山違夙願只是悔蹉跎

吾黨多翹秀因材造就難才人須志節奇士出孤寒覓

句秋先到論文夜每闌  
儒林誰合傳千載  
自尋看講舍連農圃  
鄰翁亦有情  
送花栽曉砌  
燒笋餉春羹  
覓水分初給  
田租累稍清  
兒童明歲長  
漸喜讀書聲  
風笛催歸櫂  
離樽忍再斟  
絃歌原雅化  
山水亦清音  
病鶴懷秋侶  
慈烏戀舊林  
出山吾左計  
爲汝一霑襟

香齋山館今體詩鈔卷七終